

# Күч-көлсчирин депутатирин района Советин сессий

Шидр Каспийск района күч-көлсчирин депутатирин Советин сессий болсн, района эдла-хун Ыслтин зуран күцäврин йовудин тускар күүндвр кев. Депутатир эн тбрär, күцäгч комитетин ахлач үр Д. Андраевин доклад сонъсцхав.

Докладчик 1957 джилин дигин тускар келäд, онц оньган—эн джил района күч-көлсчир эдла-хун Ыслтин тускар авсн даалгъван ягъдж күцäдж йовхинь тодрха кевär илдкв.

Район загъс анънллгъна джилä зурагъан 83,7 процент, загъс белдлгънä зурагъан 107 процент күцäв. Эн джил хаврин тärä тärлгънä зура 873 гектар бääснä орчд, тärгдсн 1064 гектар.

Цаарандн докладчик онц онц эдла-хусин көдлмшт бääх дуту-дундин тускар келв. „Каспиец“ колхоз өвс хадлгъна зурагъан хашнъгар күцäдж йовхинь заав. Районд шин школин

гермуд тосхлгън сулар кегддж йовна, Улан-Хоолд болн Ракушд тосхгдджах школмуд эн джил көдлмшт орулгдлго бääх аамшг гарчана. Эн джил районд 546 хальмг өрк-бул нүүдж ирв. Эдниг бääх сән бääрär, көдлмшär тетклгънд тартг бас гарад йовна.

Района Советин кесг депутатир, көдлмшärн äмтнд үлгүр болдж көдлджäхин тускар сессийд келгдв. Депутат үр А. Бабичев загъс анънллгъна зурагъин 136 процент күцäв, депутат—саальч үр О. Жигульская 537 литр үс эн джил үкр болгънас саадж авсн бääнä, депутат—модна урч үр Окушкаев өдр болгън далгъван 130-150 процент күцäнä.

Докладар күүндвр болснд 7 күн босдж үг келв. Эдн района зärm предприятъсин, колхозмудин көдлмшт бääх дуту-дундиг илдкдж заав.

С-Г. ГОШЕНДАНОВ.